

# **Universitätsbibliothek Paderborn**

## **Cvrsvs Theologici ...**

Ea Brevitate Conscriptus, Qvam Tot Tantarvmqve Rervm Amplitudo Et  
Varietas Patitvr ...

Quas Secunda Secundæ Et Tertia Pars Divi Thomæ Complectitvr -  
Qvæstiones Insper Ad Mores, & praxim spectantes, maximè circa  
Sacramenta, accuratè declarantur

**Carleton, Thomas Compton**

**Leodii, 1664**

Sectio I. Vtrùm Pœnitentia sit virtus.

**urn:nbn:de:hbz:466:1-13826**

# DISPUTATIO NONAGESIMA SEPTIMA.

## De objecto virtutis Pœnitentiae.

### SECTIO PRIMA.

#### Vtrum Pœnitentia sit virtus?

I.  
Non hic lo-  
quimur de  
habitu pœ-  
nitentia in  
retra-  
ctata sua la-  
titudine.



ON est sermo de habitu Pœnitentiae in tota sua latitudine; ut sic enim plures sub se actus continet, de quibus non est dubium, quin eorum aliqui honesti sint, & virtuosi. Quæstio itaque procedit de actu illo, qui est dolor & retractatio peccati præteriti, utrum scilicet sit honestus & virtuosus.

II.  
Actus quo  
quis dolet de peccatis  
est honestus & virtuosus.

Conclusio: Actus quo quis dolet de peccato commisso est verè & simpliciter virtus: ita sanctus Thomas hic, quæst. octogesima-quintæ, articulo primo, quem sequuntur Theologi omnes, uno excepto Caietano, qui actum hunc ait non esse virtutem simpliciter, & absolutè, sed solum secundum quid.

III.  
Hic actus  
conformis  
est regula  
rectæ rationis, ergo est  
honestus.

Probatur tamen conclusio: Actus enim ille est honestus, & consequenter virtus, qui est conformis regulæ rectæ rationis in genere moris, hic autem actus pœnitentiae est talis, ergo: Probatur minor: dolere enim de peccato ad hoc ut voluntas à malo illo avertatur, illudque quatenus aliquo modo remanet, destruat, honestus finis est. Unde Sanctus Chrysostomus homiliæ quintæ ad populum, tristitiam ferè ad nihil aliud utilem esse ait, nisi ut de peccatis habeatur. Tandem, quod caput est, sapientia nobis in sacra Scripturâ actus hic pœnitentiae commendatur.

IV.  
Objic. Actus  
pœnitentia  
non est ex-  
petibilis,  
ergo non est  
honestus.

Dices cum Caietano citato quicquid est honestum & virtuosum, est expetibile, sed pœnitentia non est expetibilis, ergo: Probatur minor, hic actus pœnitentiae supponit peccatum, cùm tendat ad illius destructionem, sed quod supponit malum, seu peccatum, non potest honestè expeti, ergo. Contra primò, ergo nec in humanis medicina est expetibilis quæ semper supponit vulnus, aut morbum. Contra secundo, ergo nec honestè expeti potest justitia vindicativa, quæ culpam supponit ob quam pœnam infligit, nec misericordia quæ miseriæ supponit in proximo, quam tamen utramque Theologi numerant in virtutibus.

V.  
Dico ergo,  
actus ho-  
nesti, seu  
facta suppositione, sed quod in his vel illis cir-  
cumstantiis fit absolutè expetibilis, ratione mo-  
ficere, ut sit tibi & bonitatis, quam in se habet, cùm tamen  
expetibili ante suppositionem positsim, solum esset expeti-  
facta aliquā bilis conditionatè, & hoc sensu est pœnitentia,  
suppositione.

& omnis virtus ex expetibilibus per se, seu propter se, id est habet tale motivum, ut verè alicere honestè possit voluntatem ad illam amplectendam, quamvis non nisi facta aliqua suppositione.

Dices secundò: Affirmare Aristotelem secundo Ethicorum, capite septimo, verecundiam non esse virtutem quia supponit turpitudinem in eo qui rubore suffunditur, ergo nec erit virtus pœnitentia, quæ etiam peccatum supponit. Respondetur cum sancto Thoma hic, questione octogesima-quintæ, articulo primo, ad secundum, negando consequentiam; cùm enim verecundia, quæ est timor infamie, tendat solum inefficaciter ad removendum actuale peccatum, seu turpe factum, quod secum patitur, non sufficit ad denominationem actus virtuosi simpliciter, respectu illius objecti in quod tendit, nec subjectum in eo genere denominat simpliciter agens virtuosè; nunquam enim virtutem aliquam acquireris, qui inefficaciter solum in eam tendit, imo simpliciter cum illo affectu inefficaci potest habere denominationem virtutis contrariae. Pœnitentia autem efficaciter excludit peccatum actuale, ut videbimus.

Dices tertio: Actus ille non est honestus, nisi qui fertur in honestatem ex parte objecti, sed hic actus pœnitentiae non fertur in objectum, quod in se honestatem contineat, cùm fertur semper in peccatum. Distinguendo majorem: Actus amoris seu prosecutionis, concedo majorem, potius que actus odii & aversionis seu fugæ, nego; nec enim minus honestum est malum fugere, quam prosequi bonum. Malitia itaque objecti reddit actum odii & aversionis bonum & honestum, imo esset actus odii malus & inhonestus, si objectum esset bonum: sicut falsitas objecti reddit actum distensum verum, veritas falsum.

Addo, secundum multos, actum odii esse actum prosecutionis boni contrariae; nihil enim inquiunt, aliud est odire malum, quam amare & velle bonum illi oppositum, quod, quicquid sit de formalis ratione tendendi actus, virtualiter certè & aequivalenter verum est fugam mali esse prosecutionem boni, imo fortasse formaliter, cùm fugere malum sit velle illud non esse, velle autem negationem alicujus rei, est formaliter actus prosecutionis, sicut recessus à termino à quo in motu locali est accessus ad terminum ad quem.

Dices quartò: Nihil esse posse virtutem, quod non nitatur prudentiam, imprudenter autem quis dolet de peccato præterito, ut pote cùm nullus dolor efficiere possit, ut præteritum non sit. Respondetur, hunc actum non cùm tendere, ut quod non sit, factum

factum est, non facit factum, sed tunc ut voluntas à malo illo avertatur, tunc ut affectum suum in Deum ostendat, tunc etiam ut illud prout reatu manet, ut loquitur Sanctus Augustinus libro primo de Nuptiis, capite vigesimo sexto, *Divinā gratiā suffulitus homo defractus*, nam ut ait idem S. Augustinus libro de verā & falsā Pœnitentia, capite vigesimo: *Qui convertitur, necessario dolet habere, quod gaudet perdere.*

X.  
Nec obstat conceptui virtutis in Pœnitentia, quod virtus cum delectatione, Pœnitentia cum tristitia exerceatur.

Dices quinto: Virtus cum delectatione exercetur, Pœnitentia cum tristitia. Respondeatur, delectationem in exercitio virtutis repartam non opponi trifitiae; nullus enim credo negabit, si quis doleat de calamitate sui amici, quin sit actus virtutis, sicut in Christo & Sancto summus actus virtutis erat quo dolebant videre tot peccata in Deum commissa. Perillam ergo delectationem intelligitur facilis quā quis ubi virtutem semel afflicetus est, operatur.

XI.  
Quid sit objectum materiale Pœnitentie? Dupliciter considerari potest hæc virtus, ut est prosecutio, & ut est fuga: ut ergo est prosecutio objectum illius esse potest quicquid juvatum ad finem Pœnitentie, scilicet vel ad resarcendum jus Dei Iesum, vel ad eum habendum placatum, vel aliud hujusmodi, secundum diversas opiniones de motivo & objecto ejus formalis, de quo postea: omne enim illud eligi potest ut medium ad hunc finem consequendum.

XII.  
Ut verò Pœnitentia est fuga, objectum materiale illius in primis sunt peccata omnia, tum mortalia, tum venialia, etiam remissa, cum de his omnibus dolere adhuc quis possit quod per illa Deum offenderit. Peccata etiam actualia ante Baptismum commissa; imo debet de iis dolere adulterus accedens ad Baptismum. Hæc intelligenda sunt de Pœnitentia secundum actum maximum proprium, & Antonomastice sumptum, nempe prout est detestatio & retractatio; si enim sumatur secundum actum minus proprios & secundarios, ad alia objecta extenditur.

## SECTIO SECUNDA.

## In quibus reperiatur habitus virtutis Pœnitentie.

I.  
De hominibus in viâ, illis saltē, qui aliquando peccarūt, non est controversia, saltē ubi gratiam recuperarunt, cùm nihil sit quod impedit quo minus in iis reperiatur. Difficultas ergo est de Christo, Beatissimâ Virgine, Angelis, & Beatis omnibus, utrum scilicet in iis sit, aut esse possit virtus, seu habitus Pœnitentie.

II.  
De hominibus in statu peccati mortalis non est habitus Pœnitentie: ita communis Theologorum sententia, qui und cum gratiâ dicunt omnes habitus virtutum moralium infusarum desperdi, quod tamen quoad Pœnitentiam in particulari, firmâ aliquâ & effaci ratione ostendi vix potest, ut ait Valquez primâ secundâ, disp. 88. capite primo, num. tertio; cùm enim Fides & Spes habitus maneat in peccatore, ut per eas se disponat ad justificationem, licet non minus sine passiones vel quasi passiones gratiâ, quān habitus Pœnitentie, quidni etiam in peccatore manebit virtus infusa Pœnitentie, ut homo similiter per ejus

actum, neque dolorem disponat, se similiter ad justificationem. Dici tamen potest esse peculia rem rationem de Fide & Spe, quia sine Spe nihil potest homo seriò aggredi circa consecutionem salutis, nec difficultates occurrentes vincere, at sine pœnitentiâ speciali potest, cùm ex aliis motiis possit a peccato respicere, & idem suo modo est de Fide.

Dico secundo: In Beatis manet habitus Pœnitentie: ita Sanctus Thomas in quarto, dicit. decimâ quartâ, quest. primâ, art. tertio, quest. unculâ secundâ, Suarez hic, disp. 7. sect. primâ, num. decimo, & Tomo primo in tertiam partem, disp. 4. sect. 5. §. Secundus modus & disp. 19. sect. 1. Coninck hic, disp. primâ, dub. tertio, fine.

Notandum, Pœnitentiam secundum rigorosam significationem vocis importare absolutam retractationem peccati proprii, & consequenter connotat peccatum ab illo subiecto, in quo est illa virtus, commissum, quo sensu negat Sanctus Thomas pœnitentiam fusse in Christo. Alio modo sumitur Pœnitentia in ordine ad alios actus, nempe detestationem peccati secundum se, gaudium de peccato non commisso ob gravitatem divinæ offense in peccato reluentis, prout etiam ordinatur ad quolvis actus spectantes ad servandum jus divinum Iesum: ut autem maneat habitus infusus, sufficit aliquos ejus actus esse subiecto possibilis.

Dices: Secundum communem sententiam Theologorum non est habitus Fidei in Beatis, ergo nec pœnitentia. Nego consequentiam; primò enim fides & visio beata ordinantur ad constitutus duos diversos status, viatoris scilicet & comprehensoris: unde connaturaliter opponuntur non minus quam subsistentia propria & subsistentia Verbi in humanitate Christi, quorum hæc propter illam naturaliter expellit, licet supernaturaliter esse possint simul, ut latè ostendimus in tractatu de Incarnatione, sicut & visio beata cum habitu Fidei.

Addi, Beatum nullum omnino actum à virtute Fidei provenientem elicere posse. Imo, inquis, potest elicere saltē aliquem actum conditionatum Fidei; licet enim dicere nequeat, credo Deum esse Trinum & Unum, Verbum assumisse naturam humanam, &c. potest tamen dicere, *Crediderem Deo revelanti, si daretur occasio,* & ceterum in statu in quo credere possem. Contra: Actus ille conditionatus non elicetur ab habitu Fidei, sed piæ affectionis; indicat enim promptitudinem ex parte voluntatis ad obedientium Deo in rebus Fidei, quæ operatio est affectus voluntatis, non actus intellectus: unde & propter hunc actum Suarez Tomo primo in terram partem, quest. 7. in Commentario articuli tertii, licet neget in Christo manere habitum fidei, ait tamen esse in ipso habitum piæ affectionis. Imo ipsenem Sanctus Thomas questione illâ septimâ, articulo tertio, ad secundum hoc insinuare videtur, ubi postquam virtutem Fidei in Christo esse negaverat, ait tamen, ex parte voluntatis fuisse in eo quicquid ad obedientiam & meritum Fidei pertinet.

Hinc infero, in Christo fuisse virtutem pœnitentie in ordine ad actus aliquos secundarios illius, quod idem de Beatissimâ Virgine dicendum, & à fortiori de Adamo in statu innocentia, & de fuit virtus innocentibus, hoc est iis, qui compotes rationis, Pœnitentia nondum peccarunt; ipsi enim saltē peccare quondam aliquos actus possunt.

III.  
*In Beatis manet habitus Pœnitentia.*

IV.  
*Dubius modus sumitur Pœnitentia.*

V.  
*Etsi habitus Fidei non sit in Beatis, non tamen sequitur, in iis non remanere habitum Pœnitentia.*

VI.  
*Deinde, nullus actus ab habitu Fidei proveniens elicit potest à Beatis.*

VII.  
*In Christo & Beatissimâ Virgine & fuit virtus Pœnitentia quondam aliquos actus quos actus possunt.*